

天一閣藏明代方志選刊

天一閣藏明代方志選刊

隆慶志



原书缺页

上缺

縣治

諸司廨舍

卷之三

食貨

戶口

財賦

物產

土貢

卷之四

職官

統制

守令題名

宦績

卷之五

文事

學校

鄉舉

應例入監

冠帶賞附

吏員

報効附

卷之六

武備

分符

神機庫

甲科

歲貢

諸兵

教場

屯堡

烽燧
隘口附

卷之七

人物
風俗附

鄉賢

隱逸

忠節

耆年

尚義

孝子

列女

流寓

仙釋

卷之八

宮室

堂

樓

臺

壇壝

祠廟

寺觀

塚墓

古蹟

閣亭

祥異

卷之九

恩命

誥

制

卷之十

藝文

碑

跋

勅

諭祭文

序

傳

賦

銘

詩

歌

祭文

隆慶志目錄畢

隆慶志卷之一

編氓蒲坂後學謝庭桂編次
郡後學蘇乾續編

地理

隆慶地臨朔漠建置不常疆理有分合郡名有沿革城郭有廢興然上應疆次下踞形勢旁達舟車則訖無變易而况邑井內禁郊圻外列闕梁錯布歷歷可指千載如一日者哉茲有關於地理之大者悉書之以俟考古者鑒舊志

疆域分墊附

夫疆域者土也有是土而後天文可察焉道途可
達焉山林川澤限于斯城郭壇壝建于斯人物財
賦皆出于斯故列諸首

本州在

京師西北居庸關外東抵四海冶西抵保安州界沙城
廣二百一十里南抵隆慶衛界八達嶺北抵雲州
堡界八谷寨袤八十里分墊天文箕尾析木之次

建置郡名附

建置所以有沿革者由世代之變更也惟世代有不同故其勢亦不同勢使之然人亦不能違也或沿或革而疆域則不變故次之

本州禹貢冀州之域周職方幽州北境戰國燕地秦為上谷郡屬地漢置潘縣東漢為廣寧縣屬上谷郡漢末廢晉屬廣寧郡後魏郡廢北齊置北燕郡改懷戎縣隋屬燕州後廢郡以其地屬涿郡唐武德中置北燕州改媯川天寶初改媯川郡乾元初復為媯州天寶末置媯川縣唐末析置儒州五代

時為奚王所據號可汗州遼為儒州緡陽軍治緡

山縣復置懷來縣金皇統初州廢以縣屬德興府

元至元初省緡山入懷來縣尋復置屬奉聖州後

以仁宗誕祥於東州香水園陞為龍慶州領懷來縣

國初內附徙其民於關內州縣俱廢永樂十一年

車駕北巡駐蹕團山顧茲沃壤

詔復置州改曰隆慶遷民以實之編戶十四里領縣一隸

京師其郡名晉曰廣寧唐曰媯川遼曰緡陽

永寧縣在州城東四十里本唐儒州地遼以緡雲

氏故都立縉山縣金因之元陞龍慶州為州之神
峯鄉

國初州廢徙其民於關內永樂十一年

詔復置縣取書其寧惟求之義為名遷民以實之編戶
五里隸隆慶州十三年設求寧衛舊治團山下宣
德五年城灰嶺移縣及衛治于此又自居庸關徙
隆慶左衛來居焉

形勝

南挹居庸之翠北距龍門之險

元志

自今觀之南拱

金陵北聳冠帽東望熊耳有求寧為之藩西望螺山有
懷來為之臂又有媯水以為之帶雖非大形勝然
亦可覽者也

山川

山川地險也祀典有山川為其益於民也形勝風
水俱以之非細物也周禮夏官司險掌九州之圖
以周知其山林川澤之阻而達其道路可以見山
川之當重矣隆慶境內雖無名山大川若冠帽之

高聳媯川之縈紆蓋衆山之宗支流之源也茲合
巨細悉書之

山五十二

冠帽山在州城北十五里狀如覆頭故名俗訛為棺材山與大海陀山

東西相望又名東岩山下有東岩寺群山環拱降靈毓秀蓋州之鎮也

應夢山在州城北十八里相傳遼蕭后嘗應夢建寺于其巔因名

擎笏山在州城北十八里應夢山西峭拔孤立如擎笏之狀故名山腰有瀑布泉

香爐山在州城北十八里應夢山前若香爐然因以名焉

鐘山在州城北十八里應夢山西形如覆鐘其巔有石如紐故名

石門山俗名窟窿山在應夢山前其山有洞南北透明如門故名

大海陀山在州城西三十里高聳萬仞層巒疊嶂雲生其巔雨即隨之

上有龍潭名大海陀崖畔有巨石刻大海陀峯古跡盛蹟八字見存與冠帽

山相望又名西岩山下有西岩寺吞音吐秀為媯川八景之一其名海陀飛雨

歷山在州城西北二十里形似覆釜相傳為舜所耕之歷山按書傳歷

在河中府河東縣恐非見 大明一統志未詳所在

阪山在州城北十五里軒轅與炎帝戰于阪泉之野即此其下有阪泉

大翻山在州城北二十五里上有王仲廟仲弱冠變蒼頡舊文為今隸書蔡

邕曰上谷夷仲變成隸終古行焉或傳秦始皇嘗徵仲不至大怒詔檻